



JADUAL IMAM/BILAL BERTUGAS PADA 27/2/2009

TUAN HAJI MOHAMMAD BIN HASHIM - IMAM BESAR

USTAZ AL HAFIZ BIN ASARI - BILAL

(Tajuk Khutbah : Suburkan Kehidupan Dengan Kemuliaan Iman)

JADUAL SOLAT HARI INI

SUBUH	SYURUK	ZOHOR	ASAR	MAGHRIB	ISYAK	IMSAK
6.06	7.22	1.26	4.41	7.27	8.36	5.56

No. Tel : 06-284 1142 Faks : 06-286 0435 Website : www.al-azim.com Email : maazim@streamyx.com

Bil. 9/2009

Tarikh: 27 Februari 2009 / 2 Rabiulawal 1430H

PERCUMA

Tazkirah

**RAHSIA LUQMAN AL-HAKIM
DALAM MENDIDIK ANAK**

Sambungan dari minggu yang lepas

13. Hikmah Luqman mengenai kelompok manusia.

Luqman berkata kepada anaknya, "Puteraku, manusia itu terbahagi kepada dua kelompok iaitu pertama kelompok yang lebih baik dan lebih mulia daripada dirimu dan kedua kelompok yang lebih buruk serta lebih rendah daripada dirimu. Kamu perlu bersikap rendah hati terhadap dua kelompok ini. Jika kamu melihat orang yang lebih baik dan lebih mulia daripada dirimu maka berangan-angannya supaya dapat bertemu dengan orang itu. Sekiranya kamu melihat orang yang lebih buruk dan lebih rendah daripada dirimu maka katakan pada dirimu, 'Kemungkinan orang ini akan selamat dan justeru itu aku yang akan binasa. Kemungkinan kebaikan orang ini tersembunyi dan hal itu lebih baik baginya, sementara kebaikanku nampak sedangkan itu tidak baik bagiku.' Dengan cara itu, kamu menyempurnakan kecerdasanmu dan juga menambah kebahagiaan orang-orang yang hidup sezaman denganmu."

14. Hikmah Luqman mengenai keistimewaan akal.

Luqman berkata kepada puteranya, "Puteraku, puncak kehormatan dan kedudukan tinggi adalah akal yang cerdas. Orang yang cerdas akalnya, maka akan tertutup semua dosaduanya, diperbaiki kesalahan-kesalahannya dan diredai oleh Tuhannya."

15. Hikmah Luqman mengenai nafsu.

Luqman berkata kepada puteranya, "Puteraku, yang pertama kali ingin aku peringatkan kepadamu untuk dijaga adalah nafsumu. Tiap, orang pasti mempunyai nafsu dan syahwat. Jika kamu menuruti keinginan nafsu maka dia akan terus menerus menuntutmu. Nafsu itu tersembunyi di dalam diri, sebagaimana tersembunyinya api di dalam batu. Jika batu itu digesek-gesek maka ia akan memercikkan api. Namun, jika batu itu dibiarkan, maka api itu tidak akan keluar."

16. Hikmah Luqman mengenai kejahatan.

Luqman berkata kepada puteranya, "Puteraku, jauhan dirimu daripada kejahatan, kejahatan itu akan jauh daripadamu. Sesungguhnya kejahatan itu hanya diciptakan untuk kejahatan."

17. Hikmah Luqman mengenai memilih majlis.

Luqman berkata kepada puteranya, "Puteraku, pilihlah majlis-majlis yang akan kamu ikuti dengan teliti. Sekiranya kamu melihat orang-orang yang duduk di majlis itu menyebut nama Allah maka duduklah bersama mereka. Ini kerana di majlis seperti itulah sekiranya kamu berilmu, maka ilmu kamu akan berguna. Sementara itu, sekiranya kamu tidak berilmu, maka mereka akan mengajarmu. Sekiranya Allah melihat mereka dengan pandangan "berkasih sayang maka kamu pun akan mendapat rahmat bersama mereka."



HIMPUNAN KISAH TELADAN PARA NABI & RASUL UNTUK PUTERA-PUTERI MUSLIM



Sambungan dari minggu lepas

Malaikat Jibril meniupkan angin ke perutnya yang menyebabkan hamil. Ketika perutnya mula membesar, dia menjauhkan diri dari manusia dan keluarganya ke tempat yang jauh dari keramaian. Dia selalu berfikir tentang apa yang sedang dialaminya. Dialah yang paling mengetahui tentang dirinya. Apa yang akan dikatakan manusia? Sesungguhnya Tuhannya lebih mengetahui perkara itu. Tuhannya akan menunjukkan bersihnya Maryam dari tuduhan-tuduhan manusia. Maryam tidak

berhenti berharap kepada Allah S.W.T.

Setelah mengandung dalam waktu yang ditentukan Allah S.W.T. Maryam melahirkan kandungannya, iaitu Isa a.s. Dia merasakan sakitnya melahirkan, lalu mencela dirinya. Dia membayangkan dirinya seandainya mati sebelum melahirkan kerana takut malu. Dia berkata:

"Aduhai, alangkah baiknya aku mati sebelum ini dan aku menjadi sesuatu yang tidak bererti, lagi dilupakan."

Bersambung di m/s 3 >>>

<<< sambungan dari m/s 1

18. Hikmah Luqman mengenai majlis yang tidak baik.

Luqman berkata kepada anaknya, "Puteraku, janganlah kamu duduk di majlis yang tidak disebut nama Allah di dalamnya. Ini kerana di majlis seperti itulah jika kamu berilmu maka ilmu kamu tidak berguna. Sementara sekiranya kamu tidak berilmu, maka mereka akan membuat kamu lebih bodoh lagi. Sekiranya Allah melihat mereka dengan pandangan murka maka kamu pun akan terkena bencana bersama mereka."

19. Hikmah Luqman mengenai pembunuh orang yang beriman.

Luqman berkata kepada anaknya, "Puteraku, jangan kamu menyukai orang yang cepat menumpahkan darah orang-orang yang beriman. Orang seperti itu di sisi Allah adalah pembunuh yang tidak akan mati."

20. Hikmah Luqman mengenai orang bertakwa dan orang pandai.

Luqman berkata kepada puteranya, "Puteraku, hanya orang bertakwa yang boleh memakan makananmu. Mintalah pertimbangan dalam urusanmu kepada orang-orang pandai."

21. Hikmah Luqman mengenai bergaul dengan orang soleh.

Luqman berkata kepada puteranya, "Bergaullah dengan orang-orang soleh di antara hamba Allah. Sekiranya itu yang kamu lakukan, kamu akan mendapat salah satu kebaikan mereka. Kemungkinan pada, akhirnya rahmat turun

kepada mereka dan kamu pun mendapat rahmat itu bersama mereka."

22. Hikmah Luqman mengenai bergaul dengan orang jahat.

Luqman berkata kepada puteranya "Puteraku, janganlah kamu bergaul dengan orang jahat. Jika itu yang kamu lakukan, kamu pasti tidak akan mendapat satu kebaikan pun daripada pergaulan bersama mereka. Kemungkinan mereka mendapat seksa dan secara tidak langsungnya kamu juga mendapat seksa bersama mereka."

23. Hikmah Luqman mengenai dunia.

Luqman berkata kepada puteranya, "Puteraku, dunia ini adalah laut yang dalam. Ia menenggelamkan banyak orang. Oleh itu, jadikanlah takwa kepada Allah sebagai bahteramu bagi mengharunginya. Ketakwaan adalah bahtera yang bermuatan iman dan berlayarkan tawakal kepada Allah. Semoga kamu selamat, kerana aku sendiri tidak yakin akan keselamatanmu.

24. Hikmah Luqman mengenai sikap hidup.

Luqman berkata kepada puteranya, "Puteraku, janganlah mentertawakan sesuatu yang tidak menarik. Jangan berjalan tanpa tujuan. Jangan menanyakan sesuatu yang tidak berguna bagimu. Jangan pula kamu mensia-siakan hartamu, sedangkan harta orang lain kamu pelihara baik-baik. Tahukah kamu hartamu yang sebenarnya adalah amal perbuatan yang kamu kerjakan, sedangkan harta yang kamu tinggalkan di saat mati adalah harta orang lain."

Bersambung di minggu hadapan

(Maryam:23)

Dikatakan kepada Maryam:

"Dan goyanglah pangkal pohon kurma itu ke arahmu, nescaya pohon itu akan menggugurkan buah kurma yang masak kepadamu. Maka makan, minum dan bersenang hatilah kamu."

(Maryam: 23)

Maryam telah melahirkan bayinya Isa. Apakah yang akan dia lakukan? Bagaimanakah dia menghadapi orang-orang?

Dikatakan kepada Maryam:

Jika kamu melihat seorang manusia, maka katakanlah, "Sesungguhnya aku telah bernazar berpuasa untuk Tuhan yang Maha Pemurah, maka aku tidak akan bercakap dengan seorang Manusia pun pada hari ini."

(Maryam: 26)

Maryam bukanlah saudara Nabi Harun. Akan tetapi, kerana kesuciannya, Maryam diserupakan dengan Harun sehingga dianggap saudaranya. Maryam membawa bayinya itu kepada kaumnya. Setibanya di kampung mereka terkejut dengan Maryam yang membawa bayi kecil itu. Mereka menyangka Maryam telah melakukan perbuatan zina. Mereka berkata:

"Wahai Maryam, kamu telah melakukan dosa besar dan sesuatu yang amat mungkar. Dulu kami melihat kamu orang yang suci seperti para Nabi, seperti Harun. Ayah kamu bukanlah orang yang jahat dan ibu kamu pula bukanlah seorang penzina."

Mereka menuduh Maryam dengan berbagai tuduhan, baik tuduhan yang ringan mahupun tuduhan yang berat. Selama itu, Maryam hanya diam dan mengisyaratkan kepada anaknya. Mereka menyangka Maryam sebagai orang gila. Mereka berkata:

"Apakah yang kamu katakan? Apakah kamu sudah gila? Apakah kamu menghina kami?"

1. Nabi Isa Berbicara

Atas kekuasaan Allah S.W.T. Isa dapat bercakap kepada orang-orang yang menuduh ibunya berzina. Dia berkata:

"Sesungguhnya aku ini hamba Allah S.W.T. Dia memberiku al-Kitab (Injil) dan Dia menjadikan aku seorang Nabi dan Dia menjadikan aku seorang yang diberkati di mana saja aku berada dan Dia memerintahkan kepadaku (mendirikan) solat dan (menunaikan) Zakat selama aku hidup dan berbakti kepada ibuku, dan tidak menjadikan aku seorang yang sombong lagi celaka dan kesejahteraan semoga dilimpahkan kepadaku, pada hari aku dilahirkan, pada hari aku meninggal dan pada hari aku dibangkitkan hidup kembali."

(Maryam: 30-33)

Mendengar perkataan bayi itu, mulut-mulut yang

Bersambung di m/s 4 >>>

Belajar Bahasa Arab

Bersama : Ustaz Haji Fazly bin Haji Yaacob

Pelajaran Tiga Ratus Sembilan Puluh Tujuh

هَيَّا نَلْعَبْ

MARI KITA BERMAIN

مروان : مَاذَا تَفْضَلُ أَنْ تَلْعَبَ فِي وَقْتِ الْفَرَاغِ؟

Marwan: Apakah yang awak suka main pada waktu lapang?

سهيب : أَفْضَلُ السَّبَّاحَةَ فِي وَقْتِ الْفَرَاغِ.

Shuaib: Saya suka berenang pada waktu lapang.

حليمة : أَيْنَ تَذْهَبُ لِلْسَّبَّاحَةِ.

Halimah: Ke mana awak pergi untuk berenang?

سهيب : أَسْبَحُ فِي حَوْضِ السَّبَّاحَةِ الَّذِي تَحْتَ رِعَايَةِ الشُّؤُونَِ الْبَلَدِيِّ.

Shuaib: Saya berenang di kolam renang yang di bawah kelolaan Majlis Perbandaran.

Kamus: المُعْجَمُ

السَّبَّاحَةُ: Renang حَوْضِ السَّبَّاحَةِ: Kolam renang

أَسْبَحُ: saya berenang

SIDANG REDAKSI

PENGERUSI

Y.A.B. Datuk Seri Hj. Mohd. Ali Bin Mohd. Rustam
(Ketua Menteri Melaka)

PENAUNG

Y.B Tuan Hj. Ghazale Bin Muhamad
(Timbalan Pengerusi MAIM)

PENASIHAT

Y. Bhg. Datuk Alias Bin Mad Saad
(Pengaroh JAIM)

KETUA PENGARANG

Al-Fadil Tn. Hj. Mohammad
Bin Hashim Al-Hafiz
(Imam Besar Masjid Negeri Melaka)

EDITOR

Tuan Hj. Ab. Rashid Bin Ab. Rahman
(Bilal Satu)

PENGARANG

Ustaz Hasbullah Bin Selah @ Salim
(Imam Satu)

SIDANG PENGARANG

Ustaz Mohd. Amirudin Bin Ahmad
(Imam Dua)

Tuan Haji Yaacob Bin Abdul Majid
(Imam Rawatib)

Pn. Mahaniza Binti Mahat
(Pembantu Tadbir)

Ustaz Mohd Aidiel Bin Jaapar
(Noja)

Tuan Hj. Borhan Benjamin Bin Abdullah
(Penyambut Tetamu)

JADUAL KELAS PENGAJIAN MASJID AL-AZIM MELAKA

HARI/MASA	SUBUH	ZOHOR	ASAR	MAGRIB	ISYAK
ISNIN		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Tn. Hj. Zakaria b. Lemat (Mustika Hadis)	
SELASA		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Fekah Datuk Wira Hj. Rashid Redza b. Md. Salleh	Pengajian Asas Taranum Tn. Hj. Ramli b. Dollah
RABU		2.30 Ptg. Kelas Asas Al-Quran Kanak-Kanak		7.30 Mlm. Fekah/Sirah Tn. Hj. Ali Umar	
KHAMIS		2.30 Ptg. Kelas Asas Al-Quran Kanak-Kanak		7.30 Mlm. Majlis Bacaan Yasin & Tahlil	
JUMAAT		2.30 Ptg. Fardu Ain Ust. Halimah		7.30 Mlm. Tauhid/Al-Quran Tuan Hj. Mohammad b. Hashim	Kelas Berzanji Tn. Hj. Abdul Latip b. Joned
SABTU	6.00 Pg. Kuliah Subuh Tn. Hj. Abd. Rahim b. Khalik 8.00 Pg. Kelas Pengajian Tahfiz Kanak-kanak 8.30 pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Hadis Tn. Hj. Ibrahim b. Abdul Hamid	Kelas Bahasa Arab Ust. Fazly b. Hj. Yaacob
AHAD	6.00 Pg. Kuliah Subuh Ustaz Shukeri Najib b. Ab. Rahim 8.00 Pg. Kelas Pengajian Tahfiz Kanak-kanak 10.00 Pg. Tafsir Datuk Hj. Idris Al-Hafiz 8.30 Pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Tafsir Tn. Hj. Abd. Rahim b. Chalik	

< < < sambungan dari m/s 3

mencemuh ibunya menjadi diam. Mereka terdiam di hadapan kekuasaan Allah S.W.T.

2. Nabi Isa yang Cerdas

Sejak kecil, Isa sangat cerdas dan fasih. Seringkali dia melepaskan diri dari ibunya dan pergi ke tempat ibadah. Di sana dia berdebat dengan para ulama bani Israel. Mamun, ibunya menyusulnya dan mengajaknya kembali ke rumah.

Di Mesir pernah terjadi perdebatan tentang tempat yang ada hubungannya dengan Isa di negeri Palestin, iaitu antara Nasirah yang dinisbatkan padanya Nabi Isa, Baitul Maqdis (tempat pemerintahan Rom), dan Bait Lehem (tempat kelahiran Nabi Isa).

3. Kematian Yahya a.s.

Nabi Yahya lebih tua umurnya daripada Nabi Isa. Nabi Yahya dikenali ramai orang sebagai orang yang bertakwa, lemah lembut, berakhlak mulia, teguh dalam memegang hukum-hukum Allah S.W.T. dan tidak pernah mundur dari hukum yang telah diturunkan Allah S.W.T. Dia suka menjauhkan diri dari manusia, pergi ke tanah lapang dan sahara. Dia memakan hasil tanaman dan buah-buahan dari sana, minum dari air sumber yang jernih. Makanannya adalah madu dan belalang.

Pada suatu hari, Isa bertemu dengan Yahya. Pada waktu itu, Yahya telah dewasa, sedangkan Isa masih

remaja. Yahya selalu memberikan khabar kepada manusia tentang kenabian Isa dan diutusnya Isa untuk Bani Israel serta dakwah Nabi Isa kepada umatnya untuk taat pada syariat Allah S.W.T.

Herodos, Ketua pemerintahan Rom di Baitul Maqdis jatuh cinta pada anak saudara Yahya. Dia ingin mengahwini puteri tersebut. Akan tetapi, keinginan Herodos itu ditolak. Ketika Yahya ditanya tentang masalah itu, dia menjawab dengan tegas di hadapan ramai orang bahawa dia tidak menyetujui permintaan Herodos.

Sikap Yahya itu mengakibatkan keputusan yang dibuat untuk membunuhnya. Pada waktu itu, Herodos meminum khamar hingga hilang akalnya. Oleh sebab dihalang Yahya untuk mengahwini anak saudaranya, dia memberikan perintah agar Yahya dibunuh dan di-datangkan kepadanya kepala Yahya. Perintah itu dilaksanakan tanpa adanya rasa malu dari akhlak atau agama yang mencegah. Kepala Yahya ditaruh dalam suatu bekas yang berlumuran darah, lalu dibawa ke hadapan Herodos.

Bersambung di minggu hadapan

Pungutan Tabung Derma Masjid Al-Azim

20.2.2009 - RM 3,535.00

PERINGATAN :

SILA LETAKKAN RISALAH INI DI TEMPAT YANG SESUAI

Diterbitkan oleh : **Masjid Al-Azim Negeri Melaka.**
Rekabentuk berkomputer dan dicetak oleh : **Percetakan Surya Sdn. Bhd.**